

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Tratten, den 11. August 2020

Här President,

sou wéi d'Chambersreglement et virgesäit, bieden ech lech, dës parlamentaresch Fro un den Här Mobilitéitsminister an un den Här Wirtschaftsminister weiderzeleeden.

An engem Artikel am *Lëtzebuenger Journal* vum 6. August ass ze liesen, datt ab dem 1. Mee vun dësem Joer eng nei Veruerdung a Kraaft ass, déi den Transportsecteur betrëfft. Et wär deemno esou, datt e Camionschauffer op mannst 25% vu senger Aarbechtstätigkeit an deem Land virweise muss, wou hien och seng Sozialausgaben abezilt. Dës Veruerdung wier awer ganz onglécklech, well dat an der Praxis kaum méiglech ass, vue dass déi meeschte Chauffeure jo permanent am Ausland ënnerwee sinn. Et heescht dann och, datt am Hibleck op dës Mesure eng Rei Betriber elo d'Méiglechkeet a Betruecht zéien, mat hirem Betrib an d'Ausland ze plënnere. Et ass deemno verständlech, datt am Lëtzebuenger Transport- a Logistiksecteur dowéinst den Ament eng grouss Onrou ass.

An deem Zesammenhang wéilt ech der Regierung dës Froe stellen:

1. Kann d'Regierung déi uewe genannten Informatiounen confirméieren?
2. Wa jo, ass dës Veruerdung am Hibleck op den Transport- a Logistiksecteur an den Ae vun der Regierung net och ganz onglécklech a wat fir gesetzlech Dispositiounen gedenkt d'Regierung elo virzehuelen, fir dem Transportsecteur entgéintzekommen an esou eng méiglech Flucht vu Betriber an d'Ausland ze verhënneren? A wéi engem zäitleche Kader ka mat der Ëmsetzung vun dësen Dispositiounen gerechent ginn?

Mat déiwem Respekt,



Jeff Engelen  
Deputéierten